

四庫全書

史部

欽定四庫全書

史部

浙江通志卷八十七

詳校官給事中臣戴璐

檢討臣德生覆勘

總校官編修臣倉聖脉

校對官中書臣溫汝适

謄錄監生臣歐陽燮

欽定四庫全書

浙江通志卷八十六

權稅

周禮司關掌其治禁與其征廛蓋不徒譏察非常而重本抑末之意亦寓焉兩浙水陸輻湊百貨交集自宋及明權利滋紛

國朝頒行定則嚴禁苛徵是以商願藏市旅悅出塗法良意美歷久而可遵守矣志權稅

設關

北新關 北新鈔關志關據杭之北去會城十里而遙當三吳上游其地即仁和芳林鄉也附關有橋曰北新故以名關關有柵柵上連木作平臺捲篷以蔽風日於此稽放船隻署在柵之東南關前建鼓樓一座高三丈以警晨昏臨河為牌坊坊下置柵環護左右門外置榜亭本關一應榜文張挂於此凡應行事宜刊立木榜永為遵守

謹按北新有關自明宣德四年始成化四年廢七年復設遂為定制

國朝順治二年設立北關以徵船料商稅歷今無改

務七

杭州務稅課司

在省城內洋壩頭去大關東南二十里以城內商貨所聚故設此務

江漲務稅課分司

在武林門外去大關東南十里通北新河水陸衝衢因設此務

城北務稅課分司

在省城艮山門內去大關東南十五里通水門上河亦商賈出

入之地因設此務

城南務稅課分司

在鳳山門外去大關東南三十里通閩廣江西徽州浙東等處

因設
此務

橫塘臨平務稅課局

在仁和縣臨平鎮去大關東北四十五里路通省城長安

因設
此務

西溪務稅課局

在錢塘縣西溪留下大關西南三十里通餘杭等處因設此務

安溪奉口務稅課局

在錢塘安溪鎮去大關西北三十五里通餘杭嘉湖各府

因設
此務

小關六

東新關

在仁和縣一都七畝去大關東南八里北通海寧蘇松等處南通省城商船自長安

鎮入者由此而達省城自回回墳艮山門陸家蕩
德勝壩等區出者由此而至長安鎮設關以稽查
商稅兼收船料過
北則為城北務

板橋關

在錢塘調露鄉去大關西北一十里西南
通臨安餘杭等縣東接大關省城北通嘉

湖蘇松等處舊為女兒關隆慶
元年員外郎鍾道改建於此

觀音關

在錢塘縣調露鄉去大關西南五里通
餘臨於昌等四縣設此稽查以防漏稅

良馬關

在錢塘縣靈芝三都六畝去大關西
北三十里地名梁渚鎮下通嘉湖

良畝關

在靈芝三都二畝去大關西北
二十里亦通嘉湖蘇松等處

打鐵關

在仁和縣太平鄉西接東新關置立
木柵看守盤驗早晚啟閉以便農船

六小關內東新觀音打鐵三關因在各務中稅俱報過止收料銀其料不論船之大小按稅起料板橋良畎良馬三關稅料兼收每關印給單簿差役徵收每五日各役將收過銀兩赴內櫃完納呈繳由單牌簿

南新關 南關榷事書在候潮門城隍之間其地仁

和似蘭隅也門坊堂室俱有次第面河為軒數楹

疊砌階級以便抽分

司啟開者有慶豐橋

舊浙江通志南權

分司在巡鹽察院之右改市舶司為之本宋德壽

宮後圃基址明永樂中命內臣掌海舶互市景泰

四年乃建為署嘉靖三十六年南關因倭寇拆毀
員外郎李方至具題命擇地重建因改今處

謹按明制杭之抽分屬城南稅課司特三十而取
一成化七年十戶汪禮奏乞於杭州府設關抽分
商木應用以免軍民之擾乃從其言於浙之杭州
建抽分廠凡商販竹木十取其一嘉靖間拆毀後
建官廳平屋輯面河軒亭照常抽分
國朝順治二年設立杭關其抽分驗放在城外舊廠而
駐節則仍於
城中權署焉

小關十

漁臨關

在蕭山縣昭明二十一都十一箇地名單
家堰去分公司東南八十餘里有杉梢平溪

花雜等木秋間本闕親詣抽驗
餘月有奇零竹木由此抽分

安溪關

在錢塘縣孝女北管二畝去分司之北八
十里四季皆有貓青椽料籬篋鐵搭柄捻

杆稻簽木苦等竹并奇零
木植裝為方簾由此抽分

觀音關

在錢塘縣調露鄉一畝去分司之北約二
十五里四季皆有貓青椽料籬篋傘柄等

竹由此
抽分

良畝關

在錢塘縣靈芝三都二畝去分司北四十
里四季皆有貓青籬篋料椽薑稻簽等竹

由此
抽分

板橋關

在錢塘縣調露鄉下分十二畝去分司之
北三十五里四季皆有貓青椽籬薑稻

簽等竹由
此抽分

牧糶關

俗名女兒關在錢塘縣欽賢鄉一苗去分司之西北四十里春秋二季有鐵搭柄稻

簽捻竿等竹由此抽分餘月止
有小竹船認領票納紙從此往

北新關

在錢塘縣調露鄉上分一苗在官河之西去分司北二十五里四季皆有椽料傘柄

竹北來楠木沙
板由此抽分

美政關

在錢塘縣城南上隅五苗去分司之南約四里四季皆有青椽料猫花籌傘柄等竹

松杉雜板棗梨板木松花稍木十根片以下
并長短圍篾篋箕軟篾奇零者由此抽分

古蕩關

在錢塘縣尉司下扇一苗去分司之西北十五里四季每日皆有肩馱雜竹并零少

松雜等木過
者減額抽分

富新關

在富陽縣南門外去分司之西約百里此
關係新設每月掣差委役查驗富陽新城

一帶地方商販
木竹板枋等項

海關 鎮海縣志在鎮海縣南薰門外

國朝康熙二十四年建寧波府志海關行署在府治南
舊理刑廳館地雍正五年寧波府知府江承玠護
理關事增葺又權關公署在定海縣城東康熙三
十七年海關監督張聖詔建

謹按浙江向嚴海禁自康熙二十三年臺灣既入版圖海氛盡殄乃差巡海大人弛各處海禁通市貿易康熙二十四年部議覆准浙江照福建廣東例亦許用五百石以下船隻出海貿易地方官登記人數船頭烙號給發印票令防守海口官員驗票放行

口址一十五處

大關口

離關署二里屬寧波府鄞縣

古窰口

離關署一百五十里由陸路屬寧波府慈谿縣

鎮海口

離關署六十里由水路屬寧波府鎮海縣又旁口二蟬浦邱洋

湖頭渡

離關署一百五十里水陸兼半屬寧波府之鄞縣奉化縣及台州府之寧海縣地方

小港口

離關署九十里由水路屬寧波府鎮海縣又旁口二穿山大磧

象山口

離關署三百六十里水陸兼半屬寧波府象山縣又旁口一泗州

乍浦口

離關署七百里由小路屬嘉興府平湖縣

頭圍口

即澈浦口離關署七百里由水路屬嘉興府海鹽縣

漚海口

離關署三百里由水路屬紹興府山陰會稽餘姚三縣地方又旁口一王家路

白嶠口

離關署二百二十里水陸兼半屬台州府臨海寧海二縣地方又旁口一跳健

海門口

離關署四百五十里由陸路屬台州府臨海寧海太平三縣又旁口一金清港

江下埠

離關署五百里由陸路屬台州府太平縣

溫州口

離闕署七百八十里由陸路屬溫州府永嘉樂清二縣地方又旁口四寧村狀元橋

黃華關

蒲岐

瑞安口

離闕署八百五十里由陸路屬溫州府瑞安縣

平陽口

離闕署九百二十里由陸路屬溫州府平陽縣又旁口一大漁

添設口址一處

定海紅毛館

屬寧波府定海縣係航海渡船風汛不定如遇順潮二日可到闕署

謹按紅毛至中國水程不啻數萬里康熙三十五年監督李雯請設紅毛館部議未准施行至康熙三十七年監督張聖詔以定海縣門寬廣水勢平緩堪容外國大船可通各省貿易題請捐貲建署

往來巡視以就商人之便另設紅毛館一座安置紅毛夾板大船人衆可增稅額經部議行奉

旨依議嗣是海外番舶源源而來
不特紅毛一國輸誠貢市也

司權

北關監督

北新鈔關志關吏品員隨代更置周為

司關漢為關都尉梁為太府卿唐則轉運使兼領

宋始令樞密直學士監州稅元設財賦都總管明

永樂七年差御史監生於各處收課衙門開辦課

程宣德四年差御史及戶部官照鈔法例監收船

料鈔正統四年令取回監收船鈔御史止令原設
官收管明會典景泰元年令差主事二員於蘇杭
二府監收船料鈔六年取回各府委佐貳官一員
每歲輪收仍行各處巡河或巡按御史提督兼管
成化三年令杭州委官監收錢鈔四年罷七年復
設差主事一員監收弘治六年令淮安揚州杭州
錢糧少處南京戶部各差官一員俱一年一換各
給精微批一道隆慶二年令北新淮安潁墅九江

臨清河西務各鈔關主事各鑄給關防撰給勅書
今後所屬司局等官該關差滿備開賢否送部移
咨吏部以備考察其各關收稅同知通判等官務
要親身到關驗放船貨眼同抽分登記簿籍封收
銀兩不得專委首領等官有抗違者悉聽該關呈
部叅治萬歷二年給北新淮安揚州三鈔關監收
員外主事不坐名勅書三道差滿更替之日同原
降關防傳流收掌

大清會典順治元年題准各關專差戶部漢司官一員
照例撰給

勅書精微批文四年題准杭州等關差歸併戶部兼差
滿洲漢軍漢官八年定各關專差漢官一員十一
年題准各關兼差戶部滿漢官筆帖式十三年題
准各關專差漢官康熙元年題准各關兼差滿漢
官筆帖式各一員六部各咨送滿漢官筆帖式各
一員輪掣蒙古漢軍俱停差遣三年題准各關差

令六部滿洲蒙古漢人漢軍各司官及筆帖式一
併掣籤又題准各關停差筆帖式四年題准各關
稅俱交地方官管理北新關歸浙江布政司七年
題准北新關改隸兩浙運使八年覆准各關仍令
六部滿漢官員論俸掣差十四年議准各關選差
賢能官員其筆帖式仍論俸差遣停其議叙議處
康熙五十五年巡撫徐元夢奉

旨監收五十七年巡撫朱軾題委杭州同知金上志管

理嗣後每年皆以同知管理雍正元年巡撫李馥
奉

旨監收二年巡撫黃叔琳題請以主事管理三年署巡
撫傅敏監收四年巡撫臣李衛題委鹽驛道王鈞
管理七年總督臣李衛題請將北關稅務交與杭
州織造許夢閔暫管一年經部議覆奉

旨依議九年十一月織造隆昇接任監收

北新鈔關志舊例凡役於官者聽事官四員書辦
吏一名聽事吏四名書辦三名造冊書手五名書

算手一十七名解戶八名陰陽生六名門子二名
皂隸九名鋪兵二名聽事夫一十六名總小甲一
十八名轎傘夫一十二名軍牢八名或奉公事役
或應徭役或以力役俱不可缺但裁節之使不
冗而已其船戶及掌守柵巡風之役與夫過塘主
人店戶船埠頭止遞數以防欺隱官未嘗役之也
謹按各關多設吏役則日有侵冒而奸弊易生
國朝順治十年禁關役色攬報單康熙四年禁各關不
許復用舊役十一年裁各關典吏攬典邇來司榷
者正關親自驗放早晚二次其餘小關各口遣內
使協同差役查驗限期回明稅
數庶侵蝕者少而弊實亦塞矣

南關監督

杭州府志明成化七年三月杭州增置

抽分廠以工部屬官往浙江於杭城之南專理抽

分

大清會典順治初差工部漢司官一員四年歸併戶部

八年仍歸工部十二年添差滿司官筆帖式各一

員十四年裁滿司官及筆帖式康熙元年復差滿

司官筆帖式四年歸併地方官管理

歸併杭嚴道或以杭同知

兼攝八年復差滿漢司官筆帖式各一員六部兼差

十一年題准杭關不拘滿漢止差司官一員筆帖

式一員

康熙五十五年巡撫徐元夢奉

旨監收五十七年巡撫朱軾題委杭州同知金上志管

理嗣後俱委同知管理雍正二年巡撫黃叔琳題

請以主事管理三年仍委杭捕同知四年巡撫臣

李衛題委鹽驛道王鈞管理七年總督臣李衛題

准以杭州織造兼管

南關樞事書舊例設聽事官二十二員聽事吏四名陰陽生十二名舍人四名書辦算手一十六名取供書手三名正關寫單書手四名小關寫單書手二名造冊書手七名門子六名水口看廳門子

一名漁臨闕看守分司門子一名皂隸十六名看
廠皂隸八名轎傘夫十二名聽事夫十一名鋪兵
一名甲首八十名軍牢十二名木行人五十二名
板行人六名竹行人四十三名廠夫三十二名包
牌三十一名正闕保家二十名漁臨闕保家四名
安溪闕保家五名沙板保家五名賣木中牙二十
五名買木中牙二十四名各小闕把門總甲二名
水口總甲一名撐闕火夫十名義橋新壩歇家二
名外江歇家一名外江總甲一名綱首
六名馱木脚夫頭三名小闕保家二名
謹按南闕吏役為數多於北闕如廠夫木牙之類
自不可缺至聽事官綱首之名久經裁革除正闕
外十小闕委役估單俱遣內使協同查驗
仍不時稽察以杜侵漁防閑庶為周密

海關監督

寧波府志監督浙海鈔關一員筆帖式

一員

國朝康熙二十五年設

謹按海關監督不分滿漢自康熙二十五年後俱差部員詳見職官門內

康熙六十一年奉

旨以巡撫屠沂兼理雍正元年題委寧波府同知趙永
譽監收二年委寧波府通判三年以寧台道王一
導署理五年以候補知府江承玠署理六年以寧
紹台道孫詔護理浙海鈔關印務七年八月總督

臣李衛以孫詔一年期滿題請仍令接管海關稅務并循例兼管乍浦稅口其溫州口商稅與本關相距遙遠先經附請委令溫處道就近監收今亦仍令溫處道蒞復傳接管其錢糧總歸海關考核十年以寧波府知府曹秉仁署理海關印務十一年委寧紹台道王溯維管理十二年委寧波府知府王坦接管

本關辦事書吏有稿房洋房閘房樑頭房分四項門皂轎傘夫之屬例同南北兩關其餘雜役因時

增減

稅額

北關舊額

明會典杭州本色鈔一百九十萬餘貫錢三百八十
一萬餘文折色船料商稅正餘銀三萬六千八百
餘兩

北新鈔關志七稅課司局原額歲鈔二百三十八萬
八千八十貫九百八十一文

春季五十七萬七千
五百八十二貫九十

六文夏季五十九萬七千二百六十一貫八百七十三文秋季六十四萬七百七十二貫四百四十六文冬季五十七萬二千一百四貫五百六十六文如遇閏月年分各以本季額鈔額鈔派為三分加三之一

謹按浙省商稅宋無定額元至元七年遂定三十取一之制二十二年增商稅契本每一道為中統鈔三錢二十六年大增天下商稅至大二年契本一道復增至元鈔三錢至天歷之際天下總入之數視至元七年所定之額不啻百倍明初祇徵本色錢鈔其後改令折銀而稅額亦漸增矣

北新鈔關志宣德四年本關初立取本色船鈔解送內府交納正統七年十一月令商稅存留給官軍

俸成化元年稅料俱錢鈔中半兼收弘治元年至
六年錢鈔改收折銀本闕歲料約計銀四千餘兩
十年復收錢鈔正德元年奉例每商稅鈔一貫折
銀二釐七司局稅鈔共折銀四千七百七十六兩
一錢六分一釐零六年本闕兼收商稅原額并羨
餘銀兩仍發布政司收貯嘉靖二年始以商稅餘
銀解本部八年船料錢鈔改解折色二十二年始
解錢鈔餘銀以後額課歲增酌計一年船料買錢

鈔銀四千七百五十四兩三錢八分九釐二毫五
絲餘銀一千五百六十四兩八錢一分七釐七毫
五絲商稅原額銀四千七百七十六兩一錢六分
一釐九毫零附餘銀二萬三千八百七十九兩八
錢八分七釐零共銀三萬四千九百七十五兩二
錢五分六釐八毫零著為額

南戶部志杭州鈔關稅料之數一年總船料鈔共一
百七萬八千八百八十九貫銅錢二百一十五萬

七千七百七十八文買錢鈔餘銀一千五百六十

四兩八錢一分七釐零商稅原額銀四千七百七

十六兩一錢六分一釐零附餘銀二萬三千八百

七十九兩八錢八分七釐零

春季船料鈔二十四萬五千二百一十七

貫銅錢四十九萬四百三十四文買錢鈔餘銀三百二十七兩三錢一分五釐零商稅原額銀一千

一百五十五兩一錢六分四釐零附餘銀五千七兩三錢一分三釐零夏季船料鈔二十九萬六千

八百二十四貫銅錢五十九萬三千六百四十八文買錢鈔餘銀四百六十一兩八錢六分二釐零

商稅額銀一千一百九十五兩二錢四分三釐零附餘銀六千二百三十二兩四錢五分五釐零秋

李船料鈔二十六萬五百六十五貫銅錢五十二萬一千一百三十文買錢鈔餘銀三百六十七兩三錢三分零商稅額銀一千二百八十一兩五錢四分四釐零附餘銀六千五百二十三兩三錢二分九釐零冬李船料鈔二十七萬六千二百八十三貫銅錢五十五萬二千五百六十六文買錢鈔餘銀四百八兩三錢九釐零商稅額銀一千一百四十四兩二錢九釐零附餘銀六千一百一十六兩七錢八分九釐零

北新鈔關志隆慶元年令船料盡數折銀解部濟邊各路費俱于餘銀內支給萬歷二十六年部議加兵餉銀一萬兩本年增解稅料銀六千兩至二十

八年每年共解四萬二千兩有零復因添設稅監
撫按二院會題以所增六千兩充內臣額數抵助
大工又據商民告困每徵銀一兩認加四錢完納
本關類解遂加帶徵稅料並海稅糖靛月票牙儻
歲增二萬一千七百兩三十九年主事黃一騰仍
有羨銀增解稅料七千餘兩每年四萬九千七百
兩零為額其帶徵自四十二年內奉詔減免三分
之一自此止徵解銀一萬四千四百六十六兩六

錢零四十六年至四十七年實收過銀總數

一本
關船

料銀共一萬二千八百三十兩七錢八分一釐俱
經分算本色折色墊庫等項起解助邊并收買錢
鈔上納一本關商稅銀共三萬八千八百八十
六兩五錢九分內除奉文遵撥本關商稅湊充船
料均解外實共銀三萬六千九百七十四兩六錢
九釐通計一年零八日共收解稅料銀四萬九千
八百五兩
三錢九分
帶徵稅料銀實數
一
帶徵商稅銀一萬
八百一十三兩五錢
八釐
一
帶徵船料銀一千五百六十八兩九錢
九分七釐
一
七務四關帶徵商稅銀二千三百
二十五兩九錢三分三釐
一
四務四關帶徵船
料銀八十二兩四錢三釐
一
城南務糖錠月票
銀一百九十八兩四錢九分一釐共銀一萬四千
九百八十八兩九錢六分二釐照數徵解布政司

國朝稅額

大清會典北新關稅額一十萬七千六百六十九兩原額八萬九千三百七十六兩順治十三年增五千二十四兩康熙二十五年增一萬三千二百六十九兩徵茶課銀在外順治十一年覆准凡納銀數多給票數少者許商民首告議處康熙四年題准地方官徵收關稅以受事日為始扣至一年督撫題報考核八年題准關稅欠不及半分者罰俸一

年半分至一分以上者降一級調用二分以上者
降二級調用三分以上者降三級調用四分以上
者降四級調用五分以上者革職缺額錢糧免其
追賠溢額不准議叙至商稅不令親填簿冊及不
給紅單者俱罰俸一年如將部頒稅簿用伊印添
送或將稅簿紅單不按季報部者俱罰俸半年
單簿送部限期北
新關限四十五日十四年題准各關欠不及半分
者降一級留任餘照前例全完者紀錄一次溢額

稅收

每一千兩者加一級至五千兩以上者以應陞缺
先用十六年題准各關稅額二萬兩以下者仍照
前例議叙二萬兩以上者額稅全完紀錄一次溢
額半分以上加一級一分以上加二級一分半以
上加三級二分以上加四級三分以上以應陞缺
先用數多者遞准加級十七年令關稅足額者不
准議叙十八年

諭各關額外橫征差役四出擾害商民者該部嚴禁察

叅二十五年議准嗣後稅銀四季報解部科簿單
候任滿日彙報有溢額者停其議叙

本關額辦銅觔三十萬七千六百九十三觔每觔
部定價銀一錢於春夏兩季內動支銀三萬七百
六十九兩三錢交給商人採買解赴錢法堂交納
又每觔本關自貼水脚銀五分共銀一萬五千三
百八十四兩六錢五分此項於康熙四十五年四
月內准到部文銅價銀兩不在各關給發在江蘇

藩庫支領其水脚銀兩造入稽考簿內解交戶部
計每年課稅正額并銅觔水脚共銀一十二萬三
千五十三兩六錢五分四季解交戶部其解餉水
脚等費在外

本關茶稅一百觔為一引每引納銀二分九釐三
毫八絲每年額銷茶引一十四萬道貨未到關先
具摺開報完銀填給關封領引運行其茶引截用
於年終奏銷解部每年約收銀四千兩不等

本關商稅船料銀存貯關庫催齊七務六小關各口便商等銀每季填批咨院轉發藩司貯庫聽候便員附搭解部

本關徵收錢糧於康熙五十五年間巡撫徐元夢定額每兩加貼解銀八分以為解餉并奏銷考核解冊等費及修理衙署書吏柴米各役工食各口房租等項支給

本關區行埠鈔銀有武林區陸家區城南區永昌

區新如區前右區北新區艮山區臨平區長安區
保安區觀音區觀音下區四板區東新區回回區
德勝區各按季差役徵收完後印給小票每年盈
縮不一約有三百餘兩此項於康熙五十七年巡
撫朱軾監收時捐俸免徵

康熙五十七年准戶部咨每年解部稅銀每兩解
隨平銀三分二釐每兩水腳銀一分至雍正元年
四月內准咨嗣後隨平銀兩停止解送又於雍正

二年正月內准咨各省稅銀應解飯銀散碎者每兩一分五釐水脚銀一分俟解員起行之日赴本關當堂給發雍正二年五月准戶部咨從前巡撫等奏報北新關每年贏餘銀三萬二千不等康熙六十年十二月內尚書孫渣齊等議定北新關每年額定解贏餘銀四萬兩今奉

恩詔議准各關贏餘銀兩盡行裁去每年將應徵額稅銀兩照數充解外如有贏餘另行據實奏報

雍正七年續准部頒添發商人親填紅簿凡七務
六小關等處每季一扇令商完稅之時即行親自
填寫按季送關一年彙送戶部其底單各月送關
磨對

雍正九年正月內准戶部咨奉

上諭辛亥年春撥解部銀兩照從前餘平之銀減去一
半該部即行文各省嗣後着將一半留存以充公用
欽此本關遵照舊例每兩扣留添兌銀三分咨院交

貯藩庫除遵

旨聽解一半外其餘留存以備公用

本關季鈔銀每季完銀一錢六分有認一季及二
三四季不等總之皆是秤手有不認鈔者即為私
牙私秤差役往各縣徵收按季完納每年計徵銀
三千五百五十三兩八錢六分計共二十八縣此
項於康熙四十年間批歸各縣徵收按季解關今
於雍正九年本關會同總督部院頒行鈐印關票

發縣填給牙戶按季徵輸解完印票仍令季終彙

收送開繳銷其仁錢二縣額徵鈔銀併歸七務大

使分催完納亦按季解關

馬如龍北關李鈔說王者捐山澤之利以與民

未嘗物物而取之也夫一絲一粟必有牙人一出一入必由行戶然天地之生物日盛民間之貿易無窮豈能盡數而稽乎牙人領帖遠近不齊行戶應行大小各異乃貨物之交易不常遊手之往來莫測豈能比戶而求之乎是故一人也而有春夏秋冬之不同一名也而有一二三四之互見方春認納而入夏不改則一時而四季兼之矣此纔輸納而彼復借名則一票而數人充之矣況十室之邑三家之市有物產即有土棍有土棍即有藉季鈔名色以吞噬鄉曲者夫季鈔行而使不逞之徒

多藉口於關部若關部又無從核其實其為弊可
勝言乎至於徵收之法前代高君凌溪許君天贈
荆君之琦論之詳矣向第謂其查核不至則經收
並得侵漁於是附關近地議責保人隔屬遠方派
分該縣而王君宮臻以為有司各止徵收該管錢
糧猶尚慮有逋負今若以關役催徵未便而委諸
州縣無論輸解不至難以考成即使州縣力為催
輸豈無房書之額派衙役之征求復闕於庫藏轉
解於北關其為煩費固當不少善哉斯語今亦不
必更議改絃也愚謂釐剔之法止照定額徵收按
季催取記籍必清交納必核給票必審苛索必
嚴則關役自不得為奸而課額亦不致偶缺矣

本關便商牙行認納長單鈔銀每年增減不一約
四百餘兩

本關七務稅銀每年儘收儘解本關頒發循環二簿循去環來印給三連合縫由單一繳本關查對一給該商於經過地方照驗裁繳一給商人收照其中縫裁繳不許本務自裁以杜弊竇每五日各

務呈報收銀數目務書赴內櫃交納

杭州通衢四達往往奸商

地棍偷走包送陸續搬運本關差役巡查每五日於各口止查驗往來貨物如遇奸商偷走僻路或以多報少以細報麤並貨票不同者即刻呈送到關審明按律懲治若經過士客齎帶禮物併小民無知偶犯與前項奸商地棍不同酌量發放七務六小關各地方有大起貨稅或包頭扳先人等

積慣需頓偷漏擬運等項即刻稟送大關聽候訊
實分別發落懲罰其罰稅俱赴內樞交納以憑登
簿給單

南關舊額

南關榷事書本廠初立例取本色解淮安清江衛河
二提舉司造淺船成化十六年因解戶不便部議
奏解折銀本年解四千兩十七年解五千五百兩
十八年至二十一年各解七千兩弘治元年解九
千五百兩二年至十三年俱解一萬八百七十兩

十四年起每年俱解一萬四千四百四十兩遂為

常數

內清江一萬三千二百四十兩衛河一千二百兩

嘉靖四年為營建

宮殿將本年及五年該給清江衛河二提舉司料

銀并板枋餘銀俱差官解部以濟大工支用自六

年後仍給二提舉司其板枋餘銀部題為供應器

皿坐派本廠每年折解杉板料銀四千七百八十

二兩五錢俱以餘銀解部十年部題加派一件查

催拖欠料銀內開供應家伙急缺物料及備用冠

頂等銀一千二百四十兩七錢九分六釐七毫又
一件急用物料造辦家伙以備鋪設銀二萬七千
三百六十兩每年俱以餘銀解部至四十四年補
完因交代過期二提舉司銀漸有積欠本年議定
解清江衛河二提舉司正額一萬四千四百四十
兩以每年十二月每月三十日扣算每日該銀四
十兩一錢一分一釐一毫為正額有剩悉為餘銀
四十五年餘銀題留浙江布政司湊給織造緞疋

隆慶元年餘銀仍盡數照舊解部又議定照日扣算仍逐年清結不得踰年過月自隆慶二年正月初一日為始至十二月終穀足前數類貯府庫聽解外日剩及閏月俱為餘銀解部以給器皿廠及補工需萬厯一十七年差內監劉成徵一應課稅因及權木本廠主事王在晉議得米稅十分抽一較之別稅百取其一者大相逕庭若增一稅監木商必至竄去定額必至不敷力持者久之本關得

免橫抽

國朝稅額

大清會典南樞抽分歲額稅銀二萬二千八百兩順治十五年增銀一千二百兩康熙二十五年增銀二千五百七十二兩共額銀二萬六千五百七十二兩今額稅銀三萬二百四十七兩五錢每年額留織造銀四千七百八十二兩五錢額解淮安造漕船銀一萬四千四百四十兩額解銅觔銀七千三百四十九兩

本關解部銅觔節省水脚銀三千六百七十五兩
本關解司杉板料銀四千七百八十二兩五錢

本關稅銀歷任監督係年滿自行解部至康熙五
十五年間以巡撫兼理題明稅銀存貯司庫俟有
解餉便員搭解其解部水脚銀額定每兩一分

本關解部隨平銀向例每兩六釐六毫六絲雍正
二年正月奉文改為飯費隨正額解部每兩銀一
分五釐

康熙六十年十二月內尚書孫渣齊等議定南新
關除正額錢糧外每年加增贏餘銀六千兩雍正
二年四月戶部為欽奉

恩詔事議准加增銀兩盡行裁去如有贏餘另行據實
奏報

本關解部添兌銀兩雍正三年三月內巡撫酌定
每兩銀三分

每年解翰林院幫帖庶吉士俸銀三十兩

每年請領部科親填冊檔給發銀一百五十兩

每年期滿考核批差吏書齋奏及部科各項公費
銀六百兩又每年給發冊書攢造奏銷冊籍費銀
五十兩又包箱紙張工費銀一十二兩

每年解司牙稅銀一百五十兩

每年給吏書節賞銀二百兩

每月給發吏書心紅紙劄銀一十兩

每月給發吏書工食銀八錢

各府屬木牙領關帖輸稅每名納銀六錢加二耗
一年約收銀二百六七十兩不等除解司一百五十
兩外餘銀同季稅羨餘補入正關額稅

各鋪戶認納季稅每名每季完稅三四錢不等加
二耗一年約收銀八九十兩不等

諸浦小販每年認完稅銀一十六兩加二耗

本關設立賣買兩牙商人木植交易從中酌估定
價每兩取用二分七釐以七釐繳官名為葺辦一

年約收銀六七百兩不等以供請領奏銷冊檔並給發心紅紙劄及吏書節賞等費仍設正關交易簿一本續報交易簿一本飭着牙行將交易木植字號銀數登填繳查

本關設立擺塘簿凡商人木植擺塘着令牙行查明清數登填簿內俟裝清排甲赴關抽分對同銷號仍置循環簿二扇挨填總數每五日赴署倒換如有以多報少隱匿朦朧即行查究

本關抽分後該保頭將某商應完稅銀若干登記
親填簿內值日包牌將本日抽分若干號開具總
單交該書填入循環簿一併送閱仍設坐簿俟完
納錢糧一併銷號其抽分過木植仍留壩上俟商
人完納錢糧發串票方許過壩若商人木植在城
及城隅發賣不必過壩者向例統限一月內完稅
今改十日差追

本關分設十小口每月掣差委役給發鴛鴦票往

口協同內使關總巡查稅務凡有大起竹木仍令
民人報單差役查估若零星小販差役即填票收
稅美政北新觀音板橋牧犊古蕩六關五日一回
稅數良畎安溪漁臨富新四關半月一回稅數
漁臨關遠隔江表最為緊要恐有奸販串同委總
隱匿偷漏應委幹辦內使嚴加稽察

美政關亦屬緊要除零星版片毛木圍圓六七寸
以下者准照例在口填給小票若毛木八九寸以

上者及八九寸以下有官眼之木仍赴正關報抽
又杉板攏塘商販赴關報單隨差內使執板印協
同板行人赴美政關抽驗即將板印封繳仍于正
關量箴科稅

安溪關遇春水充足則竹貨盛行應不時差查以
免偷漏所有呈報方箴即差竹廠行人查驗量明
丈尺科稅毋許花竹填心以虧額課

西涵盤竹街瓶窰化灣閘係產竹之所例設循環

簿二扇給發閘夫竹行人在地巡查凡遇竹貨經過查明報數并往某口抽分登簿內半月送署倒換以憑查核

海關稅額

國朝創設海關歲額稅銀三萬一千九百五十二兩四錢三分八絲

本關正額樑頭貨稅銀三萬二千三十兩六錢二分
外增長江稅銀一百二十七兩六錢一釐八絲

又加徵絲稅銀五十二兩二錢

舊額四十八兩二錢四分

通共

稅銀三萬二千二百一十兩四錢三分八絲內除
動支各役工食銀二百五十八兩實徵淨銀三萬
一千九百五十二兩四錢三分八絲每年解貯藩
庫

本關派解銅筋水脚銀三千七百五十兩

康熙六十年十二月內尚書孫渣齊等議定浙海
關除正額錢糧外每年加增銀一萬兩雍正二年

四月戶部為欽奉

恩詔事議准加增銀盡行裁去將每年應徵額稅銀兩
照數完解如有贏餘另行據實奏報

謹按海關初設歲無定額嗣後洋船日增標頭貨
稅等項額定三萬二千餘兩每年贏餘無多雍正
六年護理關務台州府知府江承玠於額徵外報
收贏餘銀五萬四千餘兩七年至八年寧紹台道
孫詔監收實徵贏餘銀五萬九千六百有奇蓋
江海風清梯航雲集從未有如斯之盛者也

額設紅毛貨稅銀一萬兩權關徵收解司充餉

綠燧

番舶貿易增課始末按紅毛即英圭黎國在身毒
國西其人有黑白二種白貴黑賤背高準碧眼髮

黃紅色中土呼為紅毛又呼為鬼子其國以貿易為務軍需國用皆取給焉自英圭黎至中國水程數萬里舟行約半年餘船式夾板頭尖尾大篷桅隨風逐節增減與中國殊雖逆風亦可駛駛船艙極深梯級上下凡三層船底夾幫雙板塗灌松脂柏子油堅硬若鐵能敵風浪往來於廣東縣門福建廈門間有東風至定海者地方文武官不敢擅留康熙三十三年監督常在具題謂初設海關時定海尚未置縣故駐劄寧城凡商船出洋回洋出入鎮海口往還百四十里報稅給票候潮守風又蛟門虎蹲水急礁多統道陟險外國番船至此往往回帆而去請移關定海歲可增稅銀萬餘兩部議移關定海府城市廛必致棄毀定邑又須建造仍令駐劄寧波差役前往收稅三十五年監督李燮復題請移關鎮海縣照閩省設關廈門粵省設關鎮門之例設紅毛館一座外國商船必聞風而

至部議移關殊毀成功設館恐糜正帑俱未准行
三十七年監督張聖詔題定海縣門寬廣水勢平
緩堪容外國大船可通各省貿易海關要區無過
於此自願設法捐造衙署一所往來巡視以就商
船之便另設紅毛館安署紅毛夾板大船人眾可
增稅一萬餘兩府城塵市仍聽客商貿易不致毀
壞部議覆允奉

旨依議欽遵康熙三十九年六月到有紅毛船二隻船
主一名未氏羅夫一名未里氏又八月到盧叻喇
船一隻九月到飛立氏船一隻一時稱為盛事云
雍正元年八月初二日欽奉

上諭國家之設關稅所以通商而非以累商所以便民
而非以病民也朕撫馭寰區加惠黎庶惟恐民隱不

能上達近聞權關者往往寄耳目於胥役不實驗客
貨之多寡而止憑胥役之報單胥役於中未免高下
其手任意勒索飽其欲者雖貨多稅重而朦蔽不報
者有之或從輕重報者有之不遂其欲雖貨少稅輕
而停滯關口至數日不得過是以國家之額稅聽猾
吏之侵漁以小民之脂膏飽奸胥之谿壑司其事者
竟若罔聞知乎又聞放關或有一日止一次者江濤
險急河路窄隘停舟候關於商民亦甚不便嗣後權

關者務須秉公實心查驗過關船隻隨到隨查應報
稅者納稅即放不得任胥役作弊勒索阻滯以副朕
通商便民之意至於崇文門收稅及分派各處查稅
之人亦有多方勒索分外苛求之弊京師為四方輻
湊之地行李絡繹豈宜苛刻滋擾監督尤當不時稽
察杜絕弊端爾等若不遵諭旨經朕訪聞定從重治
罪特諭

雍正二年十一月初四日欽奉

上諭各省兼管關稅之巡撫凡商賈貿易之人往來關
津宜加恩恤故將關差歸併巡撫以巡撫為封疆大
吏必能仰承德意加惠商旅也但各關俱有遠處口
岸所委看管之家人賢愚不一難免額外苛求及勒
取飯錢等弊稍不如意則縛送有司有司礙巡撫之
面徇情枉法則商民無所控訴矣嗣後着將應上稅
課之貨物遵照則例逐件刊刻詳單印刷多張各貨
店俱給一紙使衆人知悉其關上所有刊刻則例之

木榜務令豎立街市使人人共見不得藏匿屋內或
用他紙掩蓋以便高下其手任意苛索立法如此自
能剔除弊端但爾等受朕委任之重尤當仰體朕心
遴選誠實可信之人以任稽查之責必期商民有益
方為稱職特諭

雍正七年二月二十三日欽奉

上諭各關開放船隻之處向例有部頒號簿以便稽查
茲聞各關另設私簿徵收惟於報部之時始將號簿

挨日填造其意以水路船隻往來多寡不齊若據實填簿則不能逐日有徵收之數目恐干駁查是以設法勻派填造如此則簿內全非實在數目與商船過稅串票毫不相符殊非政體且凡事據實則可以無弊作偽則弊竇叢生今既任意勻派填造則號簿亦為虛設矣嗣後各關於部頒號簿務須據實填寫如無船隻過稅之日亦即注明不得仍蹈前轍如敢故違定行嚴加議處該部亦不得混行指駁致滋弊端

特諭

雍正七年四月戶部為遵

旨查議事議覆浙江總督管巡撫事李衛題稱浙省南
北海三關向照舊例徵稅其間有與部頒則例不
符之處皆歷來通商寬恤相沿已久茲准部行令
將現行徵收則例徹底清查據實陳奏查核後將
條例頒發各關刊榜曉示永為定例行據各關造
送清冊并聲明北關則例糧食向來止徵船料所

有嘉湖二府解省南糧并民間進關完納漕糧以及租米等項原非商販其船料一槩免徵又濮院王庄紬因閩粵江右各省商人凡屬大起恐其航海越渡故特寬減以示招徠其本省店舖以及零星攜帶者皆照紡紬一例徵輸又比則科稅而有加倍者以貨本稍貴之故恐日久弊混可否將比例免其加倍止照正數徵收理合請

旨勅部查核議覆行知將條例頒發刊榜曉示等因查

浙省南關現在徵收各項則例北關現行減例並
貨物比例及海關各口徵收稅銀事宜原刊估單
則例據該督李衛造冊題明臣部逐款較對原頒
則例與現行比例均屬平允果無寬減市恩亦無
濫加病商應行該督轉飭管關各員將則例比例
均刊木榜豎立關前務使衆商共曉咸遵按則徵
收著為定例至北關糧食止徵船料嘉湖兩府南
糧并民間完納漕糧租米等項原非商販其船料

一概免徵濮院王庄紬既經寬減所有零星攜帶
照紡紬一例徵輸又比則科稅而有加倍未免輕
重不均亦應如所請免其加倍止照正數徵收一
併刊載例內遵行庶奸蠹無侵漁朦蔽之弊而商
民永沐均平之惠矣奉

旨依議

雍正十三年十一月戶部為請除權關吏役之積
弊以便商旅事內閣交出總理事務王大臣等議

覆詹事府少詹事許王猷奏稱各關刊刻木榜奉
行不實間有未曾設立者亦有書寫小字懸之僻
處者往來商賈無處覓看胥役因得額外多取請
勅令各關監督務須遵照設立并大書立於關口使商
賈一見了然等語查各關應納稅課例應刊刻木
榜大書設立關口使商賈一目了然吏胥無從額
外苛索立法原為周密乃監督與吏書皆惡其害
已奉行不實或竟不設立或書小字暗置僻處均

屬不合應照所奏交部通行各關嗣後務須遵照
設立并大書榜示違者該督撫即行題叅治罪又
據奏稱各關巡役每於商賈未行納稅之時先索
飯錢少不滿欲即故意留難水次則波濤驚險陸
路則風雨暴露商賈苦於守候任其勒掯請

勅行嚴禁等語查商賈未行納稅之前胥吏先百般苛
索係實有之事應照所奏交部通行嚴禁違者巡
役計贓論罪監督一併處分其往來行客及肩挑

步擔不應納稅者聽其竟過不得借端需索又奏
稱近關前後數里之內多設巡役櫛比搜求或以
驗票為名或以查檢漏稅為辭需索飯錢阻滯行
旅應請

勅令嗣後除岔路小口仍准巡查外其近關前後巡役
悉行撤除以息煩擾等語查商賈載貨至關既經
照例上稅原不必數番查驗若於前後數里之內
多設巡役自必重重苛索應照所奏交該部通行

各關除岔路小口准設巡查外其近關前後濫設之巡役悉行撤除違者叅劾治罪又奏稱巡撫以家人為耳目每派往關口意在覺察而不肖屬員朋比奸猾胥役倚為護符藉勢勒索橫作威福請勅令督撫專任屬員以時覺察不得叅雜家人致滋弊竇等語查各省督撫兼管關口原令慎選屬員經管而委員之外又派家人者蓋以屬員或未深信故復令家人巡查應聽各該督撫照舊派遣但母

得縱容生事滋弊其所委管關之員仍行不時查
察毋得任其苛索侵漁可也奉

旨依議

浙江通志卷八十六

欽定四庫全書

浙江通志卷八十七

錢法

自句踐冶銅於越浙省鑄錢於是乎始唐宋以來
臨安湖睦諸州置監設官具有條制厥後錢鈔並
行而歷久滋弊

國朝因時制宜設局鼓鑄採前人不惜銅不愛工之說
模範既精而又申嚴私鑄銷毀之禁利民足用可

爲萬世法矣志錢法

尚書禹貢揚州厥貢惟金三品

孔安國傳金銀銅也

漢書食貨志太公爲周立九府圜法黃金方寸而重

一斤錢圜函方

注外圜而內孔方

輕重以銖

注金以斤爲名錢以銖爲

重也故貨寶於金利於刀流於泉

大學衍義補謂之泉者言其形如泉

文古錢其形即篆泉文也後人代以錢字古者寶

龜而貨貝至太公立九府圜法始用錢代貝或曰

泉或曰布布取宣布之意泉取流行之意其實

則一而已後世之錢其形質外圓內方始此

謹按貨幣之設有三珠玉爲上幣黃金爲中幣刀

布爲下幣刀布古錢之別名也通鑑綱目云黃帝

作貨幣路史云軒轅氏伐山取銅以爲刀貨是黃帝時業已鑄銅爲幣而世遠難稽班固漢志云凡貨金錢布帛爲用夏殷以來其詳靡記然則夏殷不過鑄金爲幣而鑄錢之始當自太公爲周立九府圜法也

越絕書姑中山者越銅官之山也越人謂之銅姑瀆六山者句踐鑄銅鑄銅不爍埋之東坂

水經注楊亭東有銅牛山山有銅穴三十許丈穴中有大樹神廟山上有冶官山北湖下有練塘里吳越春秋云句踐冶銅錫之處采炭於南山故其間

有炭瀆句踐臣吳王封句踐於越百里之地東至炭瀆是也

史記平準書漢興爲秦錢重難用更令民鑄錢

漢書食貨

志鑄榆莢錢注莢錢重三銖文爲漢興通典高后二年行八銖六年行五分錢注徑五分所謂莢錢

至孝文時莢錢益多輕乃更鑄四銖錢其文爲半

兩令民縱得自鑄錢故吳諸侯也以即山鑄錢富

埒天子錢布天下而鑄錢之禁生焉

監鐵論文帝時縱民得鑄

錢吳王擅鄣海澤錢布天下故有鑄錢之禁

西京雜記文帝時吳王亦有銅山鑄錢故有吳錢微重文字肉好與漢錢不異

吳興掌故銅官山下有兩坎名銅井深數丈方圓百丈即吳王採銅之所白楊山上有兩穴爲採銅處太平寰宇記銅山高一千三百尺在安吉縣東三十里括地志云吳採鄣山之銅即此石郭山在鄣南五里興地志云昔吳採郭山銅以鑄錢即此山

三國吳志嘉禾五年鑄大錢一當五百

通典文曰大泉五百徑一

寸三分重
十二銖
詔使吏民輸銅計銅畀直設盜鑄之科

赤烏元年春鑄當千大錢

通典徑一寸四分重十六銖故呂蒙定荊州孫

權賜錢一億錢既太貴但有空名人間患之大學衍義補後世鑄大錢始此

資治通鑑吳赤烏九年吳人不便大錢乃罷之

冊府元龜

詔曰謝宏往日陳鑄大錢云以廣貨故聽之今聞民意不以爲便其省息之鑄爲器物官勿復出也私家有者勅以輸藏計畀其直勿有所枉

晉書食貨志元帝過江用孫氏舊錢輕重雜行大者謂之比輪中者謂之四文吳興沈充又鑄小錢謂

之沈郎錢錢既不多由是稍貴孝武太元三年詔
曰錢國之重寶小人貪利銷壞無已監司當以爲
意

南齊書劉悛傳建元四年奉朝請孔顗上鑄錢均貨
議其畧以爲三吳國之關閭比歲被水潦而糴不
貴是天下錢少非穀穰賤此不可不察也鑄錢之
弊在輕重屢變重錢患難用而難用爲累輕輕錢
弊盜鑄而盜鑄爲禍深民所盜鑄嚴法不禁者由

上鑄錢惜銅愛工也惜銅愛工謂鑄無用之器以
通交易務欲令輕而數多使省工而易成不詳慮
其爲患也自漢鑄五銖歷五百餘年而不變者明
其輕重可法得貨之宜若官鑄已布於人使嚴斷
翦鑿小輕破缺無周郭者悉不得行官錢細小者
稱合銖兩銷以爲大錢貨既均遠近若一百姓樂
業市道無爭衣食滋殖矣

隋書食貨志梁初唯京師及三吳荆郢江湘梁益用

錢其餘州郡則雜以穀帛交易交廣之域全以金銀爲貨武帝乃鑄錢肉好周郭文曰五銖重如其文

謹按五銖錢得輕重之中故通鑑綱目云用五銖無改者二西漢元狩五年後及東漢與隋皆終其世無改東萊呂氏亦云自漢至隋惟五銖之錢最爲得中故終不能易自唐至五代惟武德時初鑄開元錢最得其平故亦終不能易

唐書食貨志武德四年鑄開元通寶徑八分重二銖四參得輕重大小之中其文以八分篆隸三體乾

封元年改鑄乾封泉寶錢徑寸重二銖六分以一
當舊錢之十踰年而舊錢多廢明年以商賈不通
米帛涌貴復行開元通寶錢天下皆鑄之開元十
一年詔所在加鑄禁賣銅錫及造銅器者貞元十
年州縣禁錢不出境商賈皆絕浙西觀察使李若
初請通錢往來而京師商賈齎錢四方貿易者不
可勝紀詔復禁之

洪遵泉志會昌年揚州節度使李紳於新錢背加昌

字以表年號而進之有勅鑄錢之所各以本州郡
名爲背文越州以越字在穿下浙西以潤字在穿

上

晏殊類要睦州銅官山唐時於此置官採銅

謹按浙江鑄錢之官始於唐永泰元年劉晏充東
都淮南浙江諸道鑄錢使宋自開寶平江南之後
江浙尋復置監係發運使兼提點景祐二年始置
江浙諸路都大提點坑冶鑄錢官一員以魏兼爲
之元豐二年三司言江浙等路提點坑冶鑄錢官
通領九路水陸巡按不周欲增一員分路提點從
之遂定爲兩司至元祐元年從淮南提點李深之
請以坑冶鑄錢通爲一司紹興二十七年置提領

諸路鑄錢官於行在以戶部侍郎榮寔爲之元代
錢鈔並行順帝至元十一年浙省置寶泉提舉司
所轄有銅冶場凡三各置提領大使副使一
人明設布政使寶泉局大使一員後遂革除

文獻通考五代相承用唐錢兩浙自鑄銅錢亦如唐
制

吳越備史晉開運三年錢忠獻王召左右議鑄鐵錢
以益將士祿賜王弟弘億諫曰鑄鐵錢有八害新
錢既行舊錢皆流入鄰國一也可用於吾國不可
用於他國則商賈不行百貨不通二也銅禁至嚴

民猶盜鑄況家有鎗釜野有鐔犁犯法必多三也
閩人創鑄鐵錢不足爲法四也國用幸豐而自示
空乏五也祿賜有常而無故益之以啟無厭之心
六也法變而弊不可遽復七也錢者國姓易之不
宜八也王深嘉之乃止

十國紀年周顯德四年正月忠懿王俶始議鑄錢

玉海

太祖平吳因舊制開監於鄞陽
錢俶入朝又得杭州錢監尋廢

宋史食貨志太祖初鑄錢文曰宋通元寶凡諸州輕

小惡錢及鐵鑞錢悉禁之太平興國間詔所在用
錢七十七錢爲百以福建銅錢數少令建州鑄大
鐵錢並行尋罷鑄而官私所有鐵錢十萬貫不出
州境每千錢與銅錢七百七十等外邑隣兩浙者
亦不用

大學衍義補太平興國後鑄太平通
寶自後改元必更鑄以年號爲文

宋史神宗紀熙寧六年七月詔京西淮南兩浙江西
荆湖等六路各置鑄錢監

宋史地理志建德府本嚴州新定郡監一神泉

元豐
九域

志熙寧七年置神泉監新定續志
神泉鑄錢監在東京門外今廢

玉海崇寧三年九月詔東南十監舒衡睦鄂韶梧六
監鑄小錢餘監鑄當十錢

宋史食貨志崇寧四年命荆湖南北江南東西兩浙
竝以折十錢爲折五舊折二錢仍舊五年兩浙盜
鑄尤甚小平錢益少市易濡滯遂命以折五折十
上供小平錢留本路俄詔廣南江南福建兩浙荆
湖淮南用折二錢改鑄折十錢皆罷其初置鑄錢

院及招置錢戶並停繼復罷鑄當十二分之令盡鑄小平錢荆湖江南兩浙淮南重寶錢作當三大觀二年江南東西福建兩浙許鑄使鐵錢三年詔以兩浙鑄夾錫錢擾民凡東南所鑄皆罷

宋史高宗紀紹興二十七年八月復置提領諸路鑄錢司於行在二十九年六月復置江淮荆浙福建廣南路提點坑冶鑄錢官

建炎以來朝野雜記慶元三年湖州舊鬻監行於天

下至是官自鑄之因復置神泉監以所括民間銅器鑄當三大錢仍權隸工部惟嚴錢直輸行在而建韶饒贛州皆自提點所泛湖由江入漕渠輸之京帑焉

宋史食貨志慶元三年復神泉監又置市舶於浙於閩於廣舶商往來錢寶所由泄

是以自臨安出門下江海皆有禁

續文獻通考淳熙九年九月詔令臨安府諸路提刑司嚴奸民銷鑿見錢私鑄銅器之禁仍下殿步司一體施行

嘉靖仁和縣志縣之平安橋宋時有金錫庫即銅錢局也

大學衍義補至正十年詔鑄至正通寶錢與歷代銅

錢並用

王禕泉貨議銅錢之制自五帝三王下更歷代莫之有改其爲法最古善爲天下者

因民之所利而利之民以爲利上之人何故而不爲今外宰相得承制行事亦既審察民情即江浙省府治鼓鑄累月之間國用頗賴以資給則其爲效固有不可誣者然其所鑄乃當十大錢止用於杭城而不足以行遠愚竊以爲錢法之議有二一曰廣開鼓鑄二曰罷鑄大錢攷之史傳漢郡國皆得鼓鑄而縣官往往多即銅山所在而鑄錢唐亦即出銅所在置監天下鑪九十有九宋鑄錢總二

十六監而諸路所鑄其數多寡各有差其法皆不可廢賈誼所謂事有召禍而法有起奸今令細民人操造幣之勢者此謂不可使民私鑄爾非謂官不當廣鑄也自周景王楚莊王欲鑄大錢其臣即以爲非漢之赤仄以一當五王莽之大錢五十蜀之直百後周之當千唐之乾元後唐之永通宋之熙寧皆爲當十大抵一時苟且之爲張商英言當十錢自唐以來爲害甚明蓋大錢質輕而利重利重故盜鑄者多質輕故寶愛者少小錢費厚而利均費厚故盜鑄者少利均故貿易者平由是言之鼓鑄不可不開而監局之置不可不廣大錢不可不罷而小錢之鑄不可不多爲今之計無踰此者且今江浙地大物衆省府鼓鑄固必仍舊其浙東西江東閩中諸路宜各斟酌所在分置監局或一州二州即爲一鑪而凡所鑄錢必以漢五銖唐開元金大定宋大觀及今至正小錢爲則其大錢更

不復鑄夫鼓鑄廣則造錢多而人易致小錢多則稱物均而人知貴易致則其用不匱知貴則其行可久推而放之其法將徧諸天下而準固不特浙江一省而已

續文獻通考寶泉提舉司至正十一年置凡九所浙江行省一所所轄有銅冶場凡三各置提領大使副使一人掌浸銅事

法傳錄洪武七年令戶部及各省鑄洪武通寶

續文獻通考

考其制凡五等當十錢重一兩當五錢重五錢當三當二重皆如其當之數小錢重一錢浙江鑄二十一座每歲鑄一千一百六十六萬四千文

泳化類編永樂九年令浙江江西廣東福建四布政
司鑄永樂通寶錢

續文獻通考宣德九年令南京工部并浙江等布政
司鑄宣德通寶錢

明會典弘治十八年令南北直隸府州并十三布政
司查盤洪武永樂宣德等錢并鑄弘治通寶

續文獻通考萬曆四年題准通行十三布政司南北
直隸開局鑄錢每府發錠邊樣錢一百文照式鑄

造呈樣又題准通行天下開鑄制錢與本地方舊錢相兼行使著各撫按官設法經理務在便民毋致勞擾十三年鑄萬曆通寶錢

謹按鈔法之興自宋創交子會子金元承之以爲鈔元劉宣言宋紹興初軍餉不繼造此以誘商旅爲沿邊糴買之計比銅錢易於齎擎稍有滯礙即用見錢尚存古人子母相權之意趙孟頫亦言鈔乃宋時所創施於邊郡金人襲而用之皆出於不得已蓋所謂鈔者費直不過三五錢而以售人千錢之物用之者無權行之既久即不能無弊元自世祖頒行中統交鈔以錢爲文厥後造至元寶鈔以一當五至大間浙江雖鑄當十大錢然印造交鈔實則兼用卒至物重鈔輕料鈔十錠易斗粟不

可得明初置寶源局各行省置寶泉局顧以元用
鈔省便仍設寶鈔提舉司造大明寶鈔命民間通
行至立倒鈔法洪武二十六年又令大明寶鈔與
歷代錢兼行鈔一貫准錢千文又以鑄錢擾民罷
寶泉局時兩浙民重錢輕鈔有以錢百六十文折
鈔一貫者由是物價湧貴而錢法益壞不行永樂
時亦然至宣德三年停造新鈔然猶設立鈔關藉
以收鈔而通鈔法嗣後始用錢而鈔法漸除是可
知鈔法之設終不若鼓鑄之盡善浙江雖非產銅
之處然觀元時之苦於用鈔而樂於用錢則錢法
之利於民生固萬
世不易之良規也

國朝

大清會典國家開局鑄錢頒行天下自部鑄外各省鎮

或設或停隨時更定其設官監鑄採銅搭放咸有成法私鑄及行使廢錢禁例尤嚴

謹按浙江之山產銅者少故開局鑄錢時行時止雍正四年欽奉

上諭給價收買黃銅器皿以資鼓鑄
命浙省設局開爐又復申嚴銷燬之禁是以

國寶流通而私鑄自可屏絕矣爰遵
會典成法分收銅開局官役鼓鑄搭放禁令爲六
條詳列
於左

收銅

康熙十四年議准各省產銅及白黑鉛處所有民

具呈願採該督撫選委能員監官採取

康熙十八年覆准各省採銅鉛處令道員總理府
佐分管州縣官專司任民採取八分聽民發買二
分納官造冊季報其近墳墓處不許採取或事有
未便該督撫題明停止道廳官如得稅銅鉛每十
萬觔紀錄一次四十萬觔加一級州縣官得稅每
五萬觔紀錄一次二十萬觔加一級所得多者照
數議叙上司誅求逼勒者從重議處其採取銅鉛

先聽地主報名採取如地主無力聽本州縣人報

採許雇隣近州縣匠役如有越境採取竝衙役擾

民照光棍例治罪

浙江開採銅鉛共六縣富陽採銅白鉛餘抗採銅武康採銅黑

鉛山陰會稽採白鉛諸暨採銅黑鉛聽民開採官爲抽稅屬杭州者杭嚴道總理屬湖州者嘉湖道

總理屬紹興者寧紹道總理

雍正四年九月戶部等欽奉

上諭錢文乃民間日用之所必需向因錢價昂貴朕悉心籌畫至再至三今鼓鑄日增而錢文不見其多錢

價仍復不減是必奸民圖利以銷燬制錢打造器皿之事若不禁銅器則錢價究不能平而無以便民間之用從前九卿議令不許製造黃銅器皿其已成之銅器有情願出賣者俱作廢銅交官給與價值朕思如此奉行究不能盡除積弊且些微物件亦難彙集交官終屬有名無實嗣後京城之內除三品以上官員准用銅器外其餘人等不得用黃銅器皿定限三年令其將所有黃銅器皿悉行出賣當官給與應得

之價如旗人則於本旗交出領價漢官民人則於五城該管之處交出領價不論輕重多寡隨便收買不許發價之人絲毫扣剋違者重治其罪如此庶可以永杜燬錢製器之弊而國寶流通民用充裕實爲大有裨益着九卿確議具奏欽此欽遵

臣

等會議得雍正

正四年正月大學士九卿等會議欲杜銷燬制錢之源在嚴立黃銅器皿之禁嗣後製造器皿除紅白銅不禁并黃銅之樂器天平法馬戥子及五觔

以下之圓鏡亦不禁外其餘一應器皿毋論大小
輕重不許仍用黃銅製造其已成之黃銅器皿俱
作廢銅交官給與價值等因奉

旨依議欽遵通行在案但半年以來民間所有黃銅器
皿交官領價者甚少而銅器店舖仍行貨賣我

皇上念切閭閻無微不照

特降諭旨令

臣

等公同確議

臣

等謹議嗣後京城內三

品以上官員准用黃銅器皿民間樂器圓鏡戩子

仍照

臣

等原議外其餘文武各官軍民人等一應

大小器皿俱不得仍用黃銅所有舊存黃銅器皿
除箱櫃上銅事件外其餘不論輕重多寡悉行交
官領價按依成色估足銅鉛觔兩照部定每觔一
錢一分九釐九毫三絲之價給發如有低銅冒開
好銅及應領之價故意勒掯扣剋者冒開銀兩照
侵盜錢糧例扣剋銀兩照剋減官價例治罪其收買
銀兩酌量於戶部支領所收銅斤該管處每季解

交錢局以供鼓鑄并將所給銀兩實數造冊報部
寬以三年之限如有過限仍將黃銅器皿藏匿不
交賣者以私藏禁物例治罪其小鋪收買零星銅
器限三個月內盡行交官領價違者即照私藏禁
物例治罪其打造銅器店舖如有仍將黃銅製造
器皿者照銷燬制錢爲從律治罪如此則舊日之
器皿盡收新造之銅器可斷銷燬制錢之弊既清
其源而遏其流將來錢文日增錢價自平於錢法

實有裨益請行各直省悉照京城之例均以三年爲限交收俾各處之黃銅器皿盡行禁止則永無銷燬制錢之弊矣奉

旨依議

雍正五年四月初九日欽奉

上諭制錢爲民間日用必需之物向來錢價甚昂民間深爲不便朕爲籌畫宵旰焦勞因思鼓鑄日增而錢文不見其多必有銷燬制錢以爲器皿之事是以令

京城與直隸各府及各省督撫駐劄之省城不許鑄造黃銅器皿凡有黃銅器皿者俱着交官照數給與價值無非欲錢文充裕俾小民有資生之益而無乏用之苦也年來於京城內外屢次拏獲銷燬制錢之奸民而欽差官員於甘肅地方亦見有燬錢爲器者可見銅器若不嚴禁則燬錢之弊必不能除而錢文必不能裕錢價必不能平此其相因之情勢固有灼然不爽者京城現今奉行惟謹凡黃銅器皿俱已陸

欽定四庫全書

浙江通志
卷八十七

續交納給價乃聞各處省城並未設有收買銅器之公所與專司其事之官員則民間雖有銅器何從交納此皆各督撫怠忽因循並不實心奉行之故也用是再頒諭旨着各省督撫設立公所於屬員中揀擇廉謹老成之人專司其事在司庫先撥數千金以爲價值嗣後陸續給發凡有交納銅器者按其觔兩給以頒定價值不得絲毫扣剋亦不得以重秤令其虧折夫制錢爲日用之所不可缺而器皿則不必定用

黃銅此理甚明此事易曉各省督撫果能將朕便民
利用之至意諄切曉諭而又核實給以價值則民間
之交納銅器者自必踴躍爭先矣著各督撫將所買
銅器勛兩每年歲底奏聞其所發價值報部奏銷倘
委辦之員有侵蝕扣剋等弊督撫即行題叅從重治
罪直隸各府委官之處亦照此一體遵行特諭欽此

浙江總督_臣李衛欽奉

諭旨屢經諄切出示反覆開導隨於省城及嘉湖二府

治各設局委官掌管其餘各府州縣着落印官并
佐雜等分收凡民間交銅公平彈兌照依定價給
發將所收銅器劬兩彙查題報

雍正五年十一月戶部爲欽奉

上諭事我

皇上因各省設立收買銅器公所恐各州縣與所設公
所寫遠之處民間交納未便令民間交納銅器准
其抵作正賦錢糧奉

上諭應如何舉行可行於何等省分並作何交納扣抵
與生銅熟銅定價之處詳議具奏欽此臣部議各省
有未完舊欠錢糧行令督撫酌量於各省民欠內
以二十萬兩爲率准令欠戶交納銅器扣抵應完
舊欠之數倘銀數抵扣完日尚有交納銅器者督
撫再行具題請

旨此所交銅器熟銅照頒定價值每觔以一錢一分九
釐九毫三絲計算生銅價值比熟銅減二每觔以

九分五釐九毫四絲四忽計算各州縣官於紳民
交納時按其生熟成色觔兩以所定價值算抵如
有奸民銷燬制錢充作廢銅片塊打成器皿物件
者發覺之日照律治罪其收銅之州縣官不得絲
毫扣減價值亦不得以重秤收兌令其虧折每季
將所收銅器觔兩數目報明督撫解交公所督撫
於年底奏報其無民欠之省分及無民欠之州縣
與無舊欠之糧戶有以銅器交官者俱按生熟銅

成色給與價值將所收銅器存貯公所於年底奏報如各省地方官有現將已資收買黃銅器皿者着解交公所掌管官即按生熟銅觔給與價值倘地方官有不遵

諭旨借捐買名色以賤價收買民間銅器者督撫即指名題叅交部嚴加議處可也奉

旨依議

設局

順治六年令浙江設局鼓鑄

順治八年議准各布政司止開一局餘俱停止

順治十四年題准各省鑄局槩行停止獨令寶泉局鼓鑄

順治十七年復設各省錢局

康熙元年令停各省錢局

康熙六年浙江總督趙廷臣條議各省爐座仍令照舊鼓鑄以補

國儲而濟民困部議照該督所請各省爐座俱照舊
例開鑄奉

旨通行

康熙十三年停浙江鑄局

康熙三十五年浙江巡撫線一信奉文開浙江錢
局在杭州府大倉前

康熙三十八年停爐因改局爲永濟倉

雍正八年正月奉

旨開鑄建寶浙錢局在仁和縣義同二畝地方原係祖

山寺基址并民地十畝零

局門前牌坊一座頭

庫丁班房八間堆沙泥房三間二門一座

大堂三間青選堂三間左右二間作貯錢庫

庫官住房三間東首平披各五間收貯鉛銅等

項廚房三間大堂東側建設爐房五座編寶

裕昇平世五字號大堂西側建設爐房五座編

泉流富有年五字號錢局之外週圍建造營房

六處以住

巡查兵丁

官役

順治元年令戶部漢右侍郎一員督理京省錢法

各省鎮開爐鼓鑄令布政司總理就近道廳官分
管

浙江承宣布政使所屬衙門舊有寶源局大使副
使各一員後裁

康熙三十五年浙江巡撫線一信奉文開局鼓鑄
設督局官一員早晚稽查工匠出入

雍正八年浙江總督_臣李衛奉文建立寶浙局委
監督鼓鑄官一員協理鼓鑄官一員協辦官一員

庫官一員

把守局門外委把總一員 巡查營兵二十四名
局書二名 錢局庫丁十六名

每爐設爐頭一名 匠頭一名 上爐匠一名
刮沙匠三名 刷

灰匠二名 抹錢匠二名 杖錢匠三名 滾錢
匠二名 磨錢匠十名 敲銅匠一名 煤煤匠

一名 踏糙匠一名 揀選匠四名 穿數匠一
名 省眼匠一名 淘沙匠二名 雜用小工四

名

鼓鑄

順治二年題准京省鑄錢每文重一錢二分每七

文准銀一分

順治八年議准鑄錢每文重一錢二分五釐不許輕重違式

順治九年題准各省鑄錢本息責成各該衙門按季報部年終彙報奏銷

順治十年題准鑄造制錢務令精工背鑄一釐兩字戶部添一戶字各省俱添一字浙江添浙字鑄不合式者叅究

順治十八年議准無釐字舊錢每觔給價七分收
燬鼓鑄又題准鑄成康熙通寶樣錢頒發各省局
依式鑄造順治錢仍舊行使

康熙七年浙江開鑄錢文每文重一錢四分以二
萬文爲一秤計錢二十串每秤用水銅一百七十
五觔外加耗銅一十八觔十二兩共正耗銅一百
九十三觔十二兩計炭礶工食物料等項銀共五
兩七錢九分

康熙二十三年議准鼓鑄制錢每文足重一錢行文鑄錢各省俱照新式鼓鑄

康熙三十五年浙江開鑄錢文每文重一錢以二萬文爲一秤計錢二十串每秤用紅銅六分白鉛四分配搭用正銅鉛一百二十五觔外加耗銅鉛十一觔四兩共用正耗銅鉛一百三十六觔四兩計給炭礮工食物料等項銀共二兩六錢八分五

釐

每年動用存庫銀二十餘萬兩給商採買紅銅倭鉛對搭鼓鑄設爐二十座每日鑄錢二十秤

康熙四十一年鑄錢仍重一錢四分

雍正七年正月戶部奉

上諭各省收買銅器鼓鑄錢文一事屢降諭旨令各該督撫酌量所收銅器可以鼓鑄即爲奏聞何以至今未見一處奏到爾部再行文各省但所收之銅可以設局開爐即當鼓鑄俾錢法疏通不必拘定足放一成二成兵餉方行開鑄欽此

雍正八年浙江開爐鼓鑄錢文每發黃銅一秤計

生熟各九十六觔二兩外加白鉛十觔十三兩二

分五釐黑鉛四觔十二兩

鑄錢定例每發黃銅一觔加白鉛九錢黑鉛四

錢

銅鉛每百觔加耗九觔鑄出錢一秤計重一百

七十四觔十五兩四錢計繳錢二十千文每千文
重八觔十二兩如輕加補鑄錢一秤給工料錢三
千四百一十六文每秤外收加鉛錢一千六百二
十五文給鉛錢工料錢二百七十七文五毫五絲
每錢一串繳補串錢二文

欽定四庫全書

卷八十七

雍正八年四月浙江總督管巡撫事爲遵
旨行文事據布政使程元章鹽驛道副使王鈞會看得
浙省奉文設爐開鑄當將從前所設爐座應用爐
頭匠役以及炭雖銅勦人工物料等項逐一詳議
查康熙七年間浙省開鑄錢文每秤用銅一百七
十五勦外加耗銅一十八勦十二兩計給炭罐工
料等銀五兩七錢五分錢重銅足肉好完備民間
至今流通行用續於康熙三十五年復開鼓鑄奉
行未善將錢質改輕攬和銅鉛減少料價以致所
鑄錢文不能流通官帑民資虧折無抵今奉議開
鑄應請先以錢式爲主每文應重若干每串用錢
若干并南北民情土俗行使錢文不同務與現在
民間流通制錢相等方無積滯之慮先經備晰詳
請題達茲准部覆內開康熙七年浙省鼓鑄每二
十串銅價十二兩五錢九分三釐工料銀五兩七
錢九分共用銀一十八兩三錢八分零今以廢銅

價值合算每二十串銅價十九兩七錢八分四釐
零加以工料五兩七錢九分合之銅本共銀二十
五兩五錢七分四釐零較之康熙七年浙省所用
工料每二十串多用銀七兩一錢九分四釐零即
比照京局尚多用銀一兩九錢九分一釐零行令
確訪時價據實核減至於耗銅每百觔俱係九觔
浙省不便獨異行令仍照原議遵行今查浙省開
鑄皆係收買廢銅分晰生熟二種定價給發比照
康熙七年所用銅本原多銀七兩一錢九分四釐
零今次實係銅價高昂竝非工料過多且一切應
用沙石料物產從外省採辦亦多水脚所需炭罐
必選乾燥高厚價值自倍鑄出錢文務使合式精
工須加滾錢匠作即如浙省食物等項較之別省
貴賤不一匠作人工又難核減再查生熟銅器鼓
鑄前經設爐鎔驗渣沫甚多今每百觔加耗九觔
確係不敷難以核減除一面嚴飭上緊辦理另行

擇期開鑄外所有鼓鑄工料加用耗銅等項擬請
仍照原題之數允銷庶鼓鑄不致貽悞

國寶亦可疏通矣為
此咨部查照施行

旨行
雍正九年正月戶部為遵
文事咨覆浙江總督咨稱浙省鼓鑄難以預定咨

部照江西省已准之數試行鼓鑄核實報銷今已
鑄有月餘每秤實須工料銀三兩四錢一分六釐
較之江西省每秤工料銀二兩六錢五分八釐零
雖屬不等但各省物件價值原有高低匠作人等
亦有貴賤是以未能畫一然較之京局每秤給工
料錢三十七百九十六文實多節省請照三兩四
錢一分六釐之數報銷委難再減擬合咨明等因
前來查浙省鼓鑄工料先經該督請照江西鼓鑄
之例暫行試鑄俟鑄有成效核實報銷本部行令
作速料理鼓鑄去後今該督既稱每秤實須工料

銀三兩四錢一分六釐本部核算較京局所需工料數目節省銀三錢八分應令該督將所需工料銀兩於鑄出錢文內動給如有浮冒短給據實查叅可也

雍正九年正月戶部為遵
旨行文事咨覆浙江總督咨稱浙省鼓鑄雖係生熟銅

各半勻配但係民間使用器皿銅質原高今經火煉鉛氣漸銷銅性燥烈以致每多缺損必須回爐復鑄不特糜費工料折耗分兩抑且有稽鼓鑄似應酌量加鉛以冀銅性潤澤應請加鉛配合每年約需銅六十九萬二千三百七觔遵奉部行每百觔折耗九觔得淨銅六十三萬觔細加試驗每銅一觔須加黑鉛四錢白鉛九錢共應加黑鉛一萬七千二百七觔零白鉛三萬八千九百四十二觔零除折耗外淨黑白鉛五萬一千一百八十七觔零應加鑄錢五千八百四十九串九百九十文但

浙省非產鉛之地價實難以預定現委閒員前赴產鉛之省採辦核實確價報銷等因前來應令該督將前項需用鉛觔作速委員前赴產鉛地方照數採買運供鼓鑄其採買鉛觔價值報部查核可也

雍正十二年四月戶部為欽奉

上諭事雍正十一年十一月十六日内閣奉

上諭鼓鑄錢文專為便民利用銅重則滋銷燬本經則多私鑄原宜隨時更定籌畫變通斯可以平錢價而杜諸弊順治元年每文鑄重一錢二年改鑄一錢二分十四年加鑄一錢四分康熙二十三年因銷燬弊

多仍改重一錢嗣因私鑄競起於四十一年又仍復一錢四分之制迨後銅價逐漸加增以致工本愈重今寶泉寶源二局每年額鑄錢文每串需工本銀一兩四錢零歲計虧折銀約三十萬兩朕思錢重銅多徒滋銷燬而且銷燬奸民不須重本便可隨時鎔化躡緝殊難非若私鑄必須有力之人兼設有爐座器具易於查拏者可比若照順治二年例每文鑄重一錢二分在銷燬者無利而私鑄者亦難似屬權衡得

中可以行之久遠再現今五省採辦洋銅三省採辦滇銅朕思與其令三省辦銅解部莫若即令滇省就近鑄錢將鑄成錢文就近運至四川永寧縣下船由水路運赴漢口搭附漕船解京可省京鑄之半似多便益至於戶工兩局每年需用鉛觔每觔部價銀七分有餘聞貴州鉛廠甚旺歲出四五百萬觔每百觔廠價一兩五錢如酌給水腳令該撫選委幹員如數解交京局似較之商辦節省尤多再黃銅既禁用紅

銅者自多其實黃銅即係紅銅白鉛攪和鎔成若不
併禁仍於鼓鑄未便所有紅銅器皿應如何分別飭
禁雲南開鑄貴州解鉛應如何酌定規條竝現鑄錢
文應否改重一錢二分之處著九卿詳悉妥酌定議
具奏毋得輕率亦毋得拘泥欽此欽遵該_臣等會議
得錢重銅多以致奸民肆行銷燬是將

國家有用之工本徒滋奸民射利之貪壑欲除其弊
宜清其源應將現行一錢四分之例遵照順治二

年每文改鑄一錢二分則錢本稍輕銷燬製器與
買銅私鑄均無利可圖且每文節省銅鉛二分是
每串節省銅鉛二十兩統計歲需銅鉛七百一十
萬觔可節省銅五十一萬觔計省銀八萬九千二
百五十兩省鉛五十一萬觔計省銀二萬九千五
百二十五兩二共節省銀十二萬八千七百七十
五兩在

國帑既多節省而銷燬私鑄之弊又可盡除是鑄一

錢二分之錢權衡得中實可永遠遵行至改鑄一錢二分銅鉛雖有節省而錢數仍照舊額所有工料仍應照舊給發俟

命下之日戶部行文錢法衙門照例鼓鑄仍將鼓鑄樣錢頒行開鑄省分一體照式鼓鑄至現行一錢四分之錢若分別增價恐不便於民用復行改鑄亦無裨於

國計應仍一體行使如有不肖奸民射利私行銷燬

者應令該管地方官并不時巡查嚴拏治罪可也
奉

旨依議

搭放

順治十三年題准鑄錢搭放兵餉工食令州縣扣
算列入由單填註收簿

順治十四年題准徵收錢糧銀七錢三銀儘起解
錢充存留之用

康熙七年覆准存留驛站官役俸工雜支等項俱照銀七錢三例收放制錢該督撫查取所屬徵收流水底簿磨對年終得收放數目造冊報部如奉行不力指名題叅

康熙十年令直省存留錢糧照數收錢上下通行方無壅滯有不收制錢者以違制論

雍正五年十二月戶部摺奏查各省兵餉多者至一百四十萬餘兩少者三四十萬兩其餘皆百萬

內外餉多之省以一成錢搭放需錢十五萬餘串
得淨銅一百四十餘萬觔可以開鑄以二成錢搭
放需錢三十餘萬串得淨銅二百八十餘萬觔可
以開鑄餉少之省以一成錢搭放需錢三四萬餘
串得淨銅三四十萬觔可以開鑄以二成錢搭放
需錢五六萬餘串得淨銅五六十萬觔可以開鑄
兵餉百萬內外之省以一成錢搭放需錢十萬串
內外不等得淨銅一百萬觔可以開鑄以二成錢

搭放需錢二十萬串內外不等得淨銅二百萬觔
可以開鑄_臣等以各省兵餉搭放一成二成錢文
計算除雲南省現開鼓鑄外其餘省分應用淨銅
若干觔可開鼓鑄之處另單錄呈

御覽

浙江省歲需官兵俸餉銀一百萬八千七百四十
五兩八錢零以一成錢搭放共該錢十萬零八百
七十四千五百八十文得淨銅八十八萬二千六
百五十二觔九兩二錢可以開鑄以二成錢搭放
共該錢二十萬零一千七百四十九千一百六十
文得淨銅一百七十六萬五千三百零五觔二兩

四錢可
以開鑄

雍正八年浙江開寶浙局鑄出錢文九一搭放兵
餉併府縣俸工及鼓鑄工料等項

禁令

順治四年令各省不許私鑄僞錢及前代舊錢通
行嚴禁

順治十年題准官爐夾帶私鑄者照枉法計贓坐
罪

順治十八年議准私鑄爲首及匠人處斬家產入
官總甲十家長知情者俱處斬家產入官不知者
枷號一個月責四十板徒一年爲從及知情買使
者立行處絞告捕者照例給賞該管地方官知情
任其私鑄者照爲首例不知失察者降三級調用
如經紀舖戶販賣攬和私錢者枷號一個月責四
十板流徙尚陽堡內外各官各按職掌照新例處

分

康熙三年題准失察私鑄該州縣官并吏目典史
衛所官各降三級調用知府直隸知州捕盜廳官
各降一級調用司道都司各罰俸一年督撫罰俸
六個月運使照司道例分司照知府例大使照典
史例議處

康熙七年題准攬和私錢十文以上照例治罪九
文以下仍枷責免流徙又題准私鑄人隣佑不分
知情不知情枷號一個月責四十板徒一年

康熙十二年覆准銷燬制錢者犯人與失察官員俱照私鑄例治罪

雍正三年五月十七日欽奉

上諭制錢乃日用必需之物務使遠近流通始便民用京師錢局每歲鼓鑄則制錢應日加增今雖不致缺乏聞各省未得流布民用不敷是必有銷官錢以爲私鑄者且聞湖廣河南等省私鑄之風尤甚爲此特頒諭旨著直隸及各省督撫申飭該地方官察訪查

拏嚴行禁止毋使奸徒漏網倘稽察稍疎仍蹈前弊
一經訪覺定將地方大小官吏分別從重治罪爾督
撫不可視爲具文當實力奉行嚴加禁戢可也私鑄
治罪之例如何嚴定律條着三法司詳議具奏特諭
雍正三年二月刑部覆准各省如有燬化小制錢
者仍照康熙年間例治罪其該地方官若徇情者
與本犯同罪不知情者亦照私鑄例降三級調用
房主隣佑不分知情不知情亦照私鑄例枷號一

個月杖一百徒三年載入定例遵行

雍正四年二月刑部等會議得私鑄不能禁絕應通行直隸各省嚴行曉諭經紀舖戶人等嗣後私錢不許攬和一文從前有收買者每錢一貫量給官錢半價貯庫報部

雍正六年正月欽奉

上諭雍正二年朕即諭李維鈞聞得直隸滄州地方有偷鑄私錢之匪類應嚴行查拏李維鈞回奏已經嚴

查該地方竝無私鑄保奏甚力今步軍統領阿齊圖
奏稱本月內准內務府咨稱番役因公事前來滄州
拏獲私鑄之回子劉七等移送前來隨差千總江進
祿帶領番役前往滄州將私鑄之夥黨悉行拏獲竝
獲鑄錢器皿等語觀此則滄州奸民私鑄之弊由來
已久而地方大吏漫無覺察今始敗露阿齊圖差官
將匪類夥黨俱即捕獲不使漏網甚屬可嘉着將阿
齊圖及所差官弁交部議叙番役着加賞賚其私鑄

一千人犯交刑部嚴審定擬具奏夫私鑄錢文大干法紀且私鑄不息則錢法不能畫一而銷燬制錢等弊皆由此而生何以便民間之用此事大有關係畿輔近地尚有此等奸民而各省遠方難保必無此弊着通行曉諭再嚴加申飭倘直省督撫中如有似此疎縱不肯實力查拏者朕留心訪察密差京官緝捕若一經察出必將該督撫照溺職例處分欽此

雍正七年二月二十日戶部奉

上諭錢爲國寶固貴流通以利民然必權衡輕重使得其平方能便民用而無囤積私銷之弊近聞馬蘭峪地方每銀一兩換大制錢一千零二十餘文又聞奉天及直隸數府亦然錢價過賤民間貿易之際物價必致損虧且恐奸弊從此而生著該督及奉天府尹嚴飭地方官通行曉諭居民市肆嗣後錢價每銀一兩止許換大制錢一千文倘曉諭之後仍有出於一千文之外者即將錢舖之人查出治罪并著該部行

文各省督撫轉飭各地方官每銀一兩所換制錢不得過於一千文之外俾民用便利而國寶流通以為經久平準之定則特諭

雍正十三年十一月十八日欽奉

上諭國家制錢關小民日用之需必使流通充裕方能足用阜民乃每年鼓鑄而錢不加多京城之中康熙錢文甚少此必奸徒暗行銷燬之故也我

皇考惠愛斯民宵旰焦勞留心錢法屢

頒諭旨嚴飭內外官員查拏代銷之弊而目下仍然錢少
價昂則有司奉行不力顯然可見將此通行曉諭凡
京城內外各該地方官務必密緝嚴拏勿稍疎縱倘
仍視為具文發覺之日必將該管官重加處分不稍
寬貸特諭

浙江通志卷八十七